

The Electronic *Manipulus florum*
www.manipulusflorum.com

Antichristus I
cum fonte primo

Qui tenet teneat,
donec de medio fiat,
et tunc reuelabitur ille iniquus
quem Dominus Ihesus interficiet
spiritu oris sui.
Docet nos antichristum manifestum futurum,
si quidem ipsum uidetur aliquanto euidentiore
significatione tetigisse interficiendum
spiritu oris Domini Ihesu Christi,
sed post quantum temporis istud tempus erit,
nec saltem obscure locutus est.

Augustinus secunda epistola ad Hesicium.

Item, quod sequitur: Tantum,
qui modo tenet, teneat,
donec de medio fiat,
et tunc reuelabitur ille iniquus,
quem dominus Iesus interficiet
spiritu oris sui (2 Thess. 2:7-8),
docet nos Antichristum manifestum futurum,
si quidem ipsum uidetur aliquanto euidentiore
significatione tetigisse interficiendum
spiritu oris domini Iesu Christi;
sed post quantum temporis istuc erit,
nec saltem obscure locutus est.

Augustinus Hipponensis, *Epistulae*, 199.3
(CSEL 57, A. Goldbacher ed., p.253, ll.5-11).